

ESTAFADOR PERUANO TABATA NA ARUBA PROME CU SU DETENCION NA MIAMI

ORANJESTAD(AFP) : E caso di Carlos Manrique te cu ayera tin nomber di Aruba riba tur teletipo internacional, relaciona cu su detencion na Merca y detencion di su esposa na Aruba.

E financiero peruano Carlos Manrique a huy di Peru, pasando via frontera terrestre y a viaja pa Venezuela y Aruba prome cu el a viaja pa Merca, unda e tabata move aparentemente sin ningun temor, prome cu su aresto dialuna na Miami.

Informacionnan cu DIARIO ta disponi di dje ta indica cu a pesar di tabata sa cu e ta "e homber mas busca" di Peru, Manrique no a haci esfuerzo grandi pa sconde ni disfraz su identidad, y incluso ya na Merca, e tabata haci viajenan pa exterior usando su nomber verdadero y paspoort.

Manrique a viaja pa Merca for di Aruba ora cu ainda autoridadnan americano no a ricibi e requisitoria di detencion pidi pa Interpol.

Manrique tabata propietario y president di un entidad financiero yama Central Latino Americana de Asesoría empresarial (CLAE) cu aña pasa a keda sin paga interes y capital na mas di 160 peruano cu a spaar nan placa na CLAE, segun autoridadnan di Peru.

Na juni ultimo el a desapparece di Peru y a ser acusa di fraude pa e equivalente di 350 millon dollar.

Su aresto dialuna ultimo a

**BINGO DI
TOYOTA
DAMAS
DOMINO
DIADOMINGO
AWOR**

ORANJESTAD (AAN): E fundraising Bingo di Toyota Damas Domino team diadomingo awor 4 di november cu tabata señala pa tuma lugar na Credit Union Sta. Cruz, a cambia di lugar y esaki lo ser teni na Club Caiquetio na Paradera. Ta bai tin diferente doorprizes; Dinner, Video, Baskets di Aloe Balm, Bags etc.

tuma lugar ora cu e tabata haci un depósito na placa efectivo den un agencia di Banco Barnett den area di Brickel, sector di negoshi den centro di Miami.

DIARIO a ricibi e informacion cu Manrique a yega e banco den un limousine luhoso y tabata den di dos piso di e edificio "unda ta atende millonarianan" ora cu el a ser rondona pa funcionarianan di Servicio di "Marshalls" federal y polis di Miami, acompaña pa coronel di polis nacional peruano, Raul Cubillas, cu ta ruman di e ex mundialista Teofilo Cubillas.

E fugitivo a ser mira anteriormente na New York dia 9 di september pa dos turista peruano cu a yama polis y a logra cu el a keda deteni temporalmente, pero el a recupera su libertad pasobra no tabata tin ningun requisitoria contra dje.

Tabata danki na e pista ey cu autoridadnan peruano a

establece su estadia na Merca y a haci e diligencianan pa su detencion.

A cuminsa traha riba e caso cu coordinacion cu Servicio di Marshalls.

DIARIO a haya sa ademas cu despues di investigacionnan entre New York, Washington (unda Manrique tabata tambe) y Miami, Cubillas y un equipo di cinco "Marshalls" dirigi pa e agente femenino di origen puertorriqueña Najda Mayo, a logra detencion finalmente di e financiero peruano.

E investigadoman tabata vigila principalmente tur localidad di Key Biscayne, Miami Beach, Fort Lauderdale y Kendall, unda mayoria di peruanonan na Florida ta biba. (e futbolista Teofilo Cubillas tambe) y unda presumiblemente Manrique por ta entre amigonan o socionan dispuesto na dune proteccion. Banco Barnett tambe tabata

un punto clave pasobra tabata conoci pa funcionarianan policial cu Manrique tabata tin placa deposita eynan.

Ora cu a papia cu Manrique na momento di su detencion, e prome pregunta haci na e financista tabata encuan to paradero di su esposa Violeta Mori, cu tambe tabata wordo busca pa polis peruano.

Manrique a responde den forma masha nervioso cu su esposa tabata den Hotel Sonesta Beach na Aruba, y mes ora a bisa tambe cu e ta spera di haya oportunidad di defende su mes y paga back e miles di spaardonan cu a confia den CLAE.

E tabata bisti masha elegante y obviamente q a keda masha aturdi ora cu a pone su mannan den boei, algo cu nunca a pasa cune.

El a ser visa den forma di sondea su pensamente cu e informacion cu el a duna encuan to su esposa tabata falso, pero el a replica ripi-

tiendo cu su esposa tabata den Hotel Sonesta di Aruba y cu el a caba di papia cune na telefon un ora anterior.

Violeta Mori a keda deteni na Aruba casi na mes momento cu su esposo na Miami.

Manrique tabata na altura cu coronel Cubillas tabata siguiendo su pasonan, lo cual el a laga sa tambe.

Segun autoridadnan peruano y tambe e coronel Cubillas, e ta casi sigur cu Manrique no a sali di Peru via aeropuerto internacional Jorge Chavez di ima, sino pa medio di fronteranan terrestres despues tabata tin informacionnan cu el a ser mira na Venezuela prome cu el a viaja pa Aruba y despues pa Merca.

Informacion cu DIARIO a logra haya ayera ta indica cu e ta deteni den penal metropolitano di Miami sperando un comparecencia judicial dialuna awor pa cuminsa su proceso di extradicion.

E COMEHEIN CU STOMA DELICADO !!

